

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa Zaključkom Vlade Zeničko-dobojskog kantona, broj: 02-33-6124/21 od 26.04.2021. godine, na prijedlog Kantonalne uprave za inspekcijske poslove, Vlada Zeničko-dobojskog kantona, na 110. sjednici, održanoj dana 22.06.2021. godine, d o n o s i

ZAKLJUČAK

I.

Usvaja se Informacija Kantonalne uprave za inspekcijske poslove broj: 18/01-33-6124-1/21 od 10.05.2021.godine, koja čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 22.06.2021. godine
Zenica

DOSTAVLJENO:

1x Kantonalna uprava za inspekcijske poslove,
1x a/a.



ZENIČKO-DOBOJSKI KANTON
VLADA KANTONA

Zenica, 10.05.2021. godine

Vaš znak:

Naš znak: 18/01-33-6124-1/21

PREDMET: Informacija, dostavlja se

VEZA: Zaključak Vlade Zeničko-dobojskog kantona, broj: 02-33-6124/21 od 26.04.2021. godine

Zaključkom Vlade Zeničko-dobojskog kantona, gornji broj i datum, naloženo je Kantonalnoj upravi za inspeksijske poslove da pokrene proceduru izmjena i dopuna Zakona o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11) po hitnom postupku, kojim će propisati obavezu poštivanja naredbi koje donose nadležni organi, od strane subjekata na koje se naredbe odnose i sankcije za nepoštivanje naredbi.

Nakon razmatranja mogućnosti izmjena i dopuna Zakona o inspekcijama Zeničko-dobojskog kantona, s ciljem postupanja po navedenom Zaključku Vlade Kantona, dostavljamo sljedeću informaciju:

Kantonalna uprava za inspeksijske poslove nije u mogućnosti pokrenuti proceduru izmjena i dopuna Zakona o inspekcijama Zeničko-dobojskog kantona, na način da se propiše obaveza poštivanja naredbi koje donose nadležni organi, od strane subjekata na koje se naredbe odnose i sankcija za nepoštivanje naredbi, uzimajući u obzir zakonsku regulativu, odnosno materijalne propise nad čijim provođenjem inspeksijski nadzor vrše kantonalne inspekcije u sastavu Uprave.

Zakon o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11) je procesni zakon, koji regulira djelokrug rada Kantonalne uprave za inspeksijske poslove i izvršavanje kantonalnih i drugih zakona i propisa, na što ukazuje i član 1. navedenog Zakona, kojim je propisano: “Ovim Zakonom uređuje se vršenje poslova inspeksijskog nadzora iz nadležnosti Kantonalne uprave za inspeksijske poslove Zeničko-dobojskog kantona (u daljem tekstu: Kantonalna uprava), radi osiguranja izvršenja kantonalnih i drugih zakona i drugih propisa (u daljem tekstu: zakoni i drugi propisi), organizacija i djelokrug rada Kantonalne uprave, inspektori i njihov status, planiranje, izvještavanje, normativi i evidencija vršenja inspeksijskog nadzora, nadležnost kantonalne inspekcije, preventivno djelovanje kantonalnih inspektora u vršenju inspeksijskog nadzora, postupak inspeksijskog nadzora, prava, obaveze i odgovornosti kantonalnih inspektora i subjekata nadzora i druga pitanja koja su od značaja za funkcioniranje inspeksijskog nadzora u Zeničko-dobojskom kantonu (u daljem tekstu: Kanton).”

Posebno ukazujemo na činjenicu da je inspektor osoba sa posebnim ovlaštenjima, koja obavlja poslove radnog mjesta kantonalnog inspektora u skladu sa svojom stručnom spremom i drugim uvjetima koji su propisani Pravilnikom o unutrašnjoj organizaciji i sistematizaciji radnih mjesta u Kantonalnoj upravi za inspeksijske poslove, te prilikom inspeksijskog nadzora nadzire i poduzima mjere, isključivo na osnovu materijalnih propisa, kao jedinih propisa koji određuju stvarnu nadležnost inspektora za pojedinu oblast.

Od inspekcija koje se nalaze u sastavu ove Uprave, samo kantonalni sanitarni inspektor, na osnovu svog materijalnog propisa Zakona o zaštiti stanovništva od zaraznih bolesti („Službene novine FBiH“, broj: 29/05) može nadzirati provođenje aktualnih naredbi i poduzimati zakonom predviđene mjere.

Članom 3. Zakona o zaštiti stanovništva od zaraznih bolesti („Službene novine FBiH“, broj: 29/05) propisano je: „Zaštita od zaraznih bolesti dužnost je jedinica lokalne samouprave - općina, kantona i Federacije, zdravstvenih ustanova, zavoda zdravstvenog osiguranja, nosioca privatne prakse, privrednih društava i drugih pravnih i fizičkih lica. Sva fizička i pravna lica moraju dozvoliti zdravstvene i higijenske preglede i savjete, kao i preliminarna medicinska ispitivanja i superviziju, prikupljanje potrebnih nalaza i primjenu ostalih mjera za zaštitu od zaraznih bolesti navedenih u ovom Zakonu“, dok je članom 57. navedenog Zakona decidno propisano da nadzor nad provedbom mjera za zaštitu stanovništva od zaraznih bolesti obavljaju sanitarni inspektori.

Imajući u vidu sve naprijed navedeno, ukazujemo da bi došlo do prekoračenja nadležnosti, ukoliko bi se u Zakon o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11), kao procesni zakon, kojim se regulira djelokrug rada Kantonalne uprave za inspekcijske poslove, osiguranje izvršenja kantonalnih i drugih zakona i propisa, unijele odredbe koje regulira Zakon o zaštiti stanovništva od zaraznih bolesti („Službene novine FBiH“, broj: 29/05), nad čijom primjenom je inspekcijski nadzor isključivo u nadležnosti kantonalne sanitarne inspekcije, u skladu sa gore navedenim članovima.

S poštovanjem,

Dostavljeno:
1 x Naslovu,
1 x spis

DIREKTORICA, po ovlaštenju

Draženka Filipović, dipl.ing. arh